



UNDANG-UNDANG MALAYSIA

VERSI DALAM TALIAN TEKS
CETAKAN SEMULA YANG KEMAS KINI

Akta 414

AKTA LAMBANG DAN NAMA (MENCEGAH PENGGUNAAN TAK WAJAR) 1963

Sebagaimana pada 1 Mac 2018

Teks ini HANYALAH TERJEMAHAN oleh Jabatan Peguam Negara bagi Emblems and Names (Prevention of Improper Use) Act 1963 [Act 414]. Melainkan jika dan sehingga ditetapkan sah di bawah subseksyen 7(1) Akta Bahasa Kebangsaan 1963/67 [Akta 32], teks ini bukan perundangan.

**AKTA LAMBANG DAN NAMA
(MENCEGAH PENGGUNAAN TAK WAJAR) 1963**

Pertama kali diperbuat	...	...	...	1963 (Akta No. 19 tahun 1963)
Disemak	...	...	...	1989 (Akta 414 m.b.p. 28 Disember 1989)
Kali terakhir dipinda melalui Akta A1525 yang mula berkuat kuasa pada	...	...	...	25 Oktober 2017

UNDANG-UNDANG MALAYSIA**Akta 414****AKTA LAMBANG DAN NAMA
(MENCEGAH PENGGUNAAN TAK WAJAR) 1963**

SUSUNAN SEKSYEN

Seksyen

1. Tajuk ringkas
2. Tafsiran
3. Larangan menggunakan lambang, nama dan pernyataan bergambar dengan tidak wajar
4. Larangan mendaftar syarikat tertentu, dsb.
5. Penalti
6. Sanksi bagi pendakwaan
7. Kuasa untuk meminda Jadual

JADUAL

UNDANG-UNDANG MALAYSIA

Akta 414

AKTA LAMBANG DAN NAMA (MENCEGAH PENGGUNAAN TAK WAJAR) 1963

Suatu Akta bagi mencegah penggunaan tidak wajar lambang dan nama tertentu untuk maksud profesional dan perniagaan.

[1 September 1963]

MAKA INILAH DIPERBUAT UNDANG-UNDANG oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti yang berikut:

Tajuk ringkas

1. Akta ini bolehlah dinamakan Akta Lambang dan Nama (Mencegah Penggunaan Tak Wajar) 1963.

Tafsiran

2. Dalam akta ini, melainkan jika konteksnya menghendaki makna yang lain—

“pihak berkuasa kompeten” ertinya mana-mana pihak berkuasa yang kompeten di bawah mana-mana undang-undang yang sedang berkuat kuasa untuk mendaftarkan mana-mana syarikat, firma atau kumpulan orang lain, atau apa-apa cap dagangan atau reka bentuk, atau untuk memberikan sesuatu paten;

“lambang ternyata” ertinya apa-apa lambang, mohor atau meterai, bendera, gada-gada, lambang kebesaran, tanda kumpulan, panji-panji atau jata yang dinyatakan dalam Bahagian I Jadual;

“nama ternyata” ertinya apa-apa nama yang dinyatakan dalam Bahagian II Jadual dan termasuklah apa-apa singkatan bagi mana-mana nama tersebut.

Larangan menggunakan lambang, nama dan pernyataan bergambar dengan tidak wajar

3. (1) Walau apa pun apa-apa jua yang terkandung dalam mana-mana undang-undang yang sedang berkuat kuasa, tiada seorang pun boleh, kecuali dengan kebenaran bertulis Menteri—

- (a) menggunakan apa-apa nama ternyata atau lambang ternyata, atau apa-apa tiruan serupa mengenainya, bagi maksud apa-apa perdagangan, perniagaan, pekerjaan atau profesion;
- (b) menggunakan bagi maksud, atau mempamerkan sebagai suatu iklan bagi, apa-apa perniagaan, perdagangan, pekerjaan atau profesion, atau menjual, apa-apa fotograf, lukisan atau lain-lain pernyataan bergambar Yang di-Pertuan Agong atau Raja Permaisuri Agong;
- (c) menggunakan atau terus menggunakan apa-apa nama ternyata atau lambang ternyata, atau apa-apa tiruan serupa mengenainya, dalam tajuk bagi apa-apa paten, atau dalam apa-apa cap dagangan atau reka bentuk; atau
- (d) membuat bagi maksud jualan atau menjual atau ada dalam milikannya untuk dijual, apa-apa lambang ternyata.

(2) Perenggan (1)(b) yang berhubungan dengan penggunaan apa-apa fotograf, lukisan atau pernyataan bergambar lain yang disebut terdahulu tidaklah terpakai bagi penyiaran berita (sama ada dalam suatu akhbar atau melalui apa-apa medium lain) atau bagi penyiaran apa-apa makalah dalam akhbar.

(3) Menteri boleh mengenakan apa-apa syarat yang difikirkannya patut terhadap mana-mana kebenaran yang diberikan di bawah subseksyen (1).

Larangan mendaftar syarikat tertentu, dsb.

4. Walau apa pun apa-apa jua yang terkandung dalam mana-mana undang-undang yang sedang berkuat kuasa, tiada pihak berkuasa kompeten boleh—

- (a) mendaftarkan mana-mana syarikat, firma atau badan atau orang lain di bawah apa-apa nama;
- (b) mendaftarkan suatu cap dagangan atau reka bentuk yang mempunyai apa-apa lambang, nama, fotograf, lukisan atau pernyataan bergambar lain; atau
- (c) memberikan paten berkenaan dengan suatu ciptaan yang mempunyai tajuk yang mengandungi apa-apa lambang atau nama,

jika penggunaan nama, lambang, fotograf, lukisan atau pernyataan bergambar tersebut adalah melanggar dengan seksyen 3.

Penalti

5. Mana-mana orang yang melanggar seksyen 3 melakukan suatu kesalahan dan boleh, apabila disabitkan, didenda tidak melebihi dua puluh ribu ringgit atau dipenjarakan selama tempoh tidak melebihi tiga tahun, atau kedua-duanya.

Sanksi bagi pendakwaan

6. Tiada pendakwaan bagi apa-apa kesalahan yang boleh dihukum di bawah Akta ini boleh dimulakan kecuali dengan mendapat sanksi bertulis Pendakwa Raya terlebih dahulu.

Kuasa untuk meminda Jadual

7. Yang di-Pertuan Agong boleh, melalui pemberitahuan dalam *Warta*, menambah kepada atau mengubah Jadual.

JADUAL

[Seksyen 2 dan 7]

BAHAGIAN I—LAMBANG

1. Jogan, jata dan mohor rasmi Yang di-Pertuan Agong dan Raja Permaisuri Agong.
2. Mohor Besar Persekutuan.
3. Jata Persekutuan.
4. Lambang atau meterai rasmi Pertubuhan Bangsa-Bangsa Bersatu.
5. Darjah Kebesaran, Lambang Kebesaran, Pingat, Lencana dan Bintang Kehormatan yang ditetapkan oleh statut Yang di-Pertuan Agong.
6. Lambang Pertubuhan Polis Jenayah Antarabangsa yang juga dikenali sebagai “Interpol” atau “ICPO-Interpol”.
7. Lambang Bank Negara Malaysia.
8. Bendera Malaysia – Jalur Gemilang.
9. Lambang Kementerian, Jabatan atau Agensi Kerajaan Persekutuan.

*Lambang dan Nama
(Mencegah Penggunaan Tak Wajar)*

9

BAHAGIAN II—NAMA

1. Nama Yang di-Pertuan Agong.
 2. Nama Raja Permaisuri Agong.
 3. Nama Pertubuhan Polis Jenayah Antarabangsa yang juga dikenali sebagai “Interpol” atau “ICPO-Interpol”.
 4. Nama Bank Negara Malaysia.
 5. Nama Bendera Malaysia – Jalur Gemilang
-

UNDANG-UNDANG MALAYSIA

Akta 414

AKTA LAMBANG DAN NAMA (MENCEGAH PENGGUNAAN TAK WAJAR) 1963

SENARAI PINDAAN

Undang-undang yang meminda	Tajuk ringkas	Berkuat kuasa dari
Akta 160	Akta Mata Wang (Ringgit) 1975	29-08-1975
P.U. (B) 74/1982	Pemberitahuan di bawah Seksyen 7 Akta Lambang dan Nama (Mencegah Penggunaan Tak Wajar) 1963	19-02-1982
P.U. (B) 501/1995	Pemberitahuan di bawah Seksyen 7 Akta Lambang dan Nama (Mencegah Penggunaan Tak Wajar) 1963	03-11-1995
P.U. (B) 360/2012	Pemberitahuan di bawah Seksyen 7 Akta Lambang dan Nama (Mencegah Penggunaan Tak Wajar) 1963	01-11-2012
Akta A1525	Akta Lambang dan Nama (Mencegah Penggunaan Tak Wajar) (Pindaan) 2017	25-10-2017

UNDANG-UNDANG MALAYSIA**Akta 414****AKTA LAMBANG DAN NAMA
(MENCEGAH PENGGUNAAN TAK WAJAR) 1963****SENARAI SEKSYEN YANG DIPINDA**

Seksyen	Kuasa Meminda	Berkuat kuasa dari
5	Akta 160	29-08-1975
	Akta A1525	25-10-2017
Jadual	P.U. (B) 74/1982	19-02-1982
	P.U. (B) 501/1995	03-11-1995
	P.U. (B) 360/2012	01-11-2012
